

Dworowy swjedzeń w Hrubjelčicach

Serbske ewangelske towarstwo a Maćijec swójba přeprašujetej wšitkich Serbow a dalších zajimcow sobotu, 11. septembra, na lětnje pućowanje a serbski swjedzeń.

Zetkamy so w **13.00 hodź.** při pomniku za padnjenych Přenjeje swětoweje wójny w **Běšecach** (GPS 51.136793, 14.446996) na kóncu Pomnikoweje dróhi. Wottam chcemy šćežku sydrom serbskich kralow pućować. Judit Heroldowa, kotraž je ideju z mandželskim-kamjenječesarjom wuwija, nas přewodža a wě zajimawostki wo kralach a kamjenjach powědać. Njezabudźće na krute črije. Po puću njech so kóždy sam ze swojeho nachribjetnika zastara.

Po pućowanju pojedźemy do **Hrubjelčic** na Jaworkec/Maćijec dwór (Čěchorčanska 16). Po kofeju budže tam w **17.00 hodź.** serbska ekumeniska nutnosť.

Wot **18.00 hodź.** wjeselimy so na skupinu **Přezpólni**. To lubi wjele spěwow, serbsku atmosferu a dobru naladu.

W bróžni budže bifej z jědźemi našich hosći přihotowany. Štóž chce tykanc pjec abo něšto za bifej přinošować, njech so prošu přizjewi (matschie@posteo.de abo tel. 03591 39 68 40). Wjeselimy so na pomoc a pilne ruki.

Štóž trjeba transport, njech so prošu tež přizjewi.

Wobsteji možnost, pola Maćijec na zahrodže stanować a přenocować a rano wonka hromadže snědać.

Přeprašeni su wězo tež wšitcy, kiž chcedža hakle na nutnosť abo program přińć. Při sylnym dešču zetkamy so w 17.00 hodź. w Maćijec bróžni.

Maćijec swójba z Hrubjelčic

Serbske ewangelske towarstwo